




ԱՐԵՎՄՏՅԱՆ ԱՄՍԱԳՐԵՐՈՒՄ ՀԱՅԱԳԻՏԱԿԱՆ
ՈՒՍՈՒՄՆԱՍԻՐՈՒԹՅՈՒՆՆԵՐԻ ՄԱՏԵՆԱԳԻՏԱԿԱՆ
ՑՈՒՑԱԿ
(1896—1975)

1975 թվականի վերջերին Լոնդոնի Լուգազ հրատարակչական ընկերությունը լույս է ընծայել Մայր Աթոռի երիտասարդ միաբան և աստվածաբանական գիտությունների դոկտոր Վրեժ սարկավազ Ներսիսյանի՝ 1896—1975 թթ. «Արևմտյան ամսագրերում հայագիտության ուսումնասիրությունների մատենագիտական ցուցակ» աշխատությունը, անգլերեն լեզվով:

Վրեժ սրկ. Ներսիսյանը ծնվել է 1945 թվականին Թեհրանում: Հոգևոր ճեմարանի Ա լսարան է ընդունվել 1965 թվականին և ճեմարանն ավարտել 1968 թվականին «գերազանց» գնահատականով: Նրա ավարտաճառի թեման է եղել՝ «Եւայի մարգարեն, գրքի բովանդակությունը, կրոնական ու պատմական նշանակությունը»:

1967 թվականին սարկավազ է ձեռնադրվել Մայր Աթոռում՝ ձեռամբ տ. Հայկազուն արքեպ. Աթրահամյանի:

1968 թվականի աշնանը, Վեհափառ Հայրապետի քարեհաճ կարգադրությամբ և միջնորդությամբ, Վրեժ սարկավազն ընդունվել է Լոնդոնի համալսարանի Կինգզ կոլեջի աստվածաբանական ինստիտուտ և այն ավարտել 1973 թվականին՝ «Աստվածաբանության պակավոր»-ի կոչումով:

Ինստիտուտն ավարտելուց հետո Վրեժ սարկավազն իր ուսումը շարունակել է ճույն համալսարանի բյուզանդագիտական ինս-



տիտուտում, ուր և գրել է իր դոկտորական թեզը, որի թեման է եղել՝ «Թունդրական-Պալիկյան շարժումը. կրոնական-պատմական ուսումնասիրություն աղանդի ծագման և զարգացման պատմության մասին, Հայաստանյայց եկեղեցում Թ—ԺԱ դարերում», 250 էջ:

Վրեժ սարկավագի դոկտորական թեզի պաշտպանությունը տեղի է ունեցել 1975 թվականի սեպտեմբերի 4-ին Լոնդոնի համալսարանում: Սույն թեզի մասնավոր հաջողության և կարևորության համար նրան իրավունք է տրվել այն հրապարակել: Հոլանդական մի հրատարակչություն ընդունել է այն հրատարակության համար:

1975 թվականի վերջերին անգլիական արևելագիտական մի հրատարակչություն հրատարակել է Վրեժ սարկավագի վերոհիշյալ «Արևմտյան ամսագրերում հայագիտական ուսումնասիրությունների մատենագիտական ցուցակ» աշխատությունը:

Սույն աշխատության նախաբանը գրել է Լոնդոնի համալսարանի կովկասագիտության պրոֆ. Դ. Մ. Լանգը: Նախաբանին Վրեժ սարկավագը կցել է բովանդակայից մի հառաջաբան, ուր ներկայացրել է 1896—1975 թվականներին հայագիտության ընթացքն ու զարգացումը Եվրոպայում՝ հատկապես ծանրանալով կրոնա-պատմական ուսումնասիրությունների վրա: Սույն աշխատությունը գրելիս հեղինակն օգտվել է Լոնդոնի և Եվրոպայի գրադարաններում գրանցվող հայագիտական հարուստ գրականությունից:

Աշխատությունը բաղկանում է 95 էջից և 8 ենթագլուխներից.

1. Կրոն, եկեղեցի, վանականություն, աստվածաբանություն.
2. Պատմություն.
3. Դրամագիտություն.
4. Բնագրեր, ժողովրդական բանահյուսություն.
5. Ձեռագրեր, ձեռագրագիտություն.
6. Բանասիրություն, լեզվաբանություն.
7. Ճարտարապետություն, հնագիտություն, արվեստներ, մանրանկարչություն, երաժշտություն.

8. Հայկական սիյուռք:

Մատենագիտական սույն ցուցակի պատրաստման գլխավոր նպատակն է եղել հավաքել և ընդհանրապես հայագիտությամբ զբաղվող օտար գիտնականներին ու գիտական հաստատություններին մատչելի դարձնել եվրոպական լեզուներով լույս տեսած հայագիտական ուսումնասիրությունների մատենագիտությունը մեկ հատորով:

Աստվածաբանության դոկտոր և Մայր Աթոռի միաբան Վրեժ սարկավագի սույն կարևոր ու անհրաժեշտ աշխատությունն անկասկած կօգնի և կհեշտացնի աշխատանքը օտար բոլոր աչքի հայագետների, որոնք գիտական բարեխղճությամբ և լրջությամբ զբաղվելու են հայ մշակույթի տարբեր բնագավառների ուսումնասիրությամբ: Այս ուղղությամբ շնորհակալ և գնահատելի աշխատանք է կատարել Վրեժ սրկ. Ներսիսյանը:

ՍԱՐԳԻՍ ՍՐԿ. ՍԱՐԳՍՅԱՆ

